



Suega Aoao Tausaga 12 a Samoa

GAGANA SAMOA 2018

PEPA FESILI ma TALI

Taimi Faatulagaina: 3 itula & 10 minute

FAATONUAGA

1. E 10 minute e faitau ai ae lei amata ona tusi au tali.
2. Tusi manino lau **Numera A'oga** i le pito i luga o le itu taumatau o le itulau lenei.
3. Tusi tali i avanoa ua saunia i totonu o lenei Pepa Fesili ma Tali.
4. Afai e manaomia nisi pepa mo au tali, fesili i le Faisuega mo ni isi pepa faaopoopo. Faapipii pepa faaopoopo i itulau talafeagai o le pepa suega.

ALAFUA MO MATA'UPU 'AO'AOINA	Itulau	Taimi (min)	Togi
ALAFUA 1: VĀEGA 'ESE'ESE O LE GAGANA	2	18	10
ALAFUA 2: A'OINA 'O LE GAGANA	4	36	20
ALAFUA 3: FA'AMAUMAUGA MA FETUFAĀ'IGA	10	50	28
ALAFUA 4: FESO'OTA'IGA I ALAFA'ASALALAU	17	43	24
ALAFUA 5: FA'ATINOGA O TU MA ĀGA A SAMOA	23	8	4
ALAFUA 6: TA'ALOGA MA FA'AFIIFIAGA	24	25	14
AOFA'IGA		180	100

SIAKI lau pepa poo atoa uma itulau mai le 2-27.

TAU'A'AO LAU PEPA FESILI MA TALI I LE FAISU'EGA PE A MAEA LE SU'EGA.

FA'ATONUGA: O le vāega lenei olo'o agai tonu i vāega 'ese'ese o le gagana. Tali Numera 1 – 4 i avanoa ua saunia.

1. E ola ifo si tama ua maliu si ona tinā.

Tusi fa'asa'o le fuai'upu ua tūsia.

Tomai 'ausia 1

2. Ua tutuli taliga e le fa'alogo.

O le ā le vāega o le gagana olo'o iai le 'upu o vase lalo?

Tomai 'ausia 2

3. Liliu le palakalafa lenei i le gagana fa'aaloalo

O taeao e sau ai le faife'au e fai le lotu a le tatou 'āiga. O le mea lea ia nonofo matai i le tala ma talāluma, a o outou tamaiti, ia nonofo i tua.

Tomai 'ausia 3

4. Fa'aōoga lou mālamalama i le gagana fa'afailauga e tusi mai ai sau Lauga Fa'afetai i le Matāgaluega o Ā'oga, Ta'aloga ma Aganu'u ona o le Polokalame "**Sāmoa nei Galo**"

Tomai 'ausia 4

FA'ATONUGA: O le vāega leni e fa'atatau i le mālamalamaga lautele o le fanau i le a'oina o le gagana. Tali Numera 5 – 13 i avanoa ua saunia.

Fa'aaogā tatau le avanoa.

- 1 Tulau'ele'ele le va'a i Tanetini,
O la'u malaga lea sa ou moemiti.
Le tautīgā ua ea le pologa,
Fa'afetai i le Mālō o Sāmoa,
Ofo mai le sikolasipi mo **Aotearoa.**
- 2 Tolu vaiaso manatu mai i 'āiga
Tagi i le po ma le ao i le toe fia foi ia mamasita.
Atoa le 'afa o le tausaga ae ua ta'uta'u Nōvema,
Fa'amalosi'au mai pea 'āiga,
Ia aua nei galo le ala sa e ui ina.
- 3 Tausaga lua ua le toe fia fo'i mai i mātua,
Inu pia ma alu i ta'āiga.
Tausaga tolu ua galo le auala e alu ai i le lotu,
Lē faia ni meaā'oga fa'amisi uma piriota,
Ae pūlou le ie mamoe i totonu o le potu.
- 4 Aumai su'ega ua le pasi,
Toe fa'afai mai i Sāmoa,
Auē! O le luma o Salevalasi.
Fa'anoanoa 'āiga, inosia nai o'u matua,
Talofa i lo'u olaga ua solo i tua.
- 5 Ua na o se fautuaga,
Iā outou le tupulaga,
Tautuanā le mulipapaga.
Alofa ia Sāmoa,
Fa'aaogā tatau nei loa le avanoa.

Tusia : Erenei Lemasaniai Tuipoloa Samuelu
NUS 2018

5. **Fuai'upu 1, Laina 2:** Ta'u mai le veape olo'o i le fuaiupu.

Tomai 'ausia 1

6. **Laina 5: Ofo mai le sikolasipi mo Aotearoa**

O gāfea o le lalolagi e iai Aotearoa?

Tomai 'ausia 1

7. **Fuai'upu 2:** Toe faitau le fuai'upu ona fa'ailoa mai lea o lagona o le fatusolo 'olo'o atagia mai i le fuai'upu lea o lana solo.

Tomai 'ausia 2

8. **Fuaiupu 4: Aue! O le luma o Salevalasi.**

Fa'amatala mai lagona o le fatusolo ua mafua ai ona ia fa'aaogāina lea fuaitau.

Tomai 'ausia 2

9. O oe lea na tusia le solo. Tusi lelei lau tusi fa'ato'ese e ave i ou mātua, e tusa o le tulaga na o'o iai lau sikolasipi. Fa'ai'u lau tusi i le fa'a'upuga; “Nai ou mātua, ua ou tovale, ua ou to'ese, ua ou masei, masei lava.”

Lined area for student response.

Tomai 'ausia 3

10. Toe faitau manino le solo ona tusi mai lea o ni fa'a'upuga/muāgagana po o ni alagā'upu se lua e fa'amatala ai le aotelega atoa o le solo.

Tomai 'ausia 2

11. Fa'amālamalama lelei mai le **Gagana Fa'asasano** ma le **Gagana Fa'amama'i**.
Aumai ni fa'ata'ita'iga.

Tomai 'ausia 3

13. O oe o le taitai o le vasega. Ua tōfia oe e faia le upu fa'amāfanafana i lō outou faiā'oga ona o le maliu o lona tama. Tusi mai lau tala o le ā fai.

Tomai 'ausia 3

I. GAGANA FA'AMAUINA

- Filifili se **Tala Pu'upu'u** (Tala Pupu'u) *po'o* se **Tala Moni** *po'o* se **Tala Fatu** na e su'esu'eina e tali mai ai le vāega lenei.
- Fa'aaogā na'o tala olo'o fa'amauina i le Fa'asinoala.
- **A tusi lau tali, ia aofia ma manino vāega nei;**
 - Igoa o le Tusi.
 - Manatu Autū o le Tali.
 - Mālamalama i le Tala.

FESILI :

Fa'amatala mai se mea tāua na tupu i le tala na momomo ai lou loto i le alofa, ma fa'ailoa manino mai se tagata 'autū na telē sona sao tāua i le taunu'uga o le tala.

TALI:

Ituaiga Tala: _____

Igoa o le Tala: _____

Igoa o le Tusitala po'o lē na Fa'aliliuina: _____

II. TUSIGĀTALA

(10 togi)

Filifili se ūlutala se tasi e tusi ai lau tala.

- la 'ānoa ma logomālie i le faitau.
- Pule 'oe pe amata ai lau tala pe fa'ai'u ai i le 'autū filifilia.

ŪLUTALA:

1. Ua tafea le alofa
2. Ua ta lelavā pologa
3. E sili lava le 'āiga moni
4. O le alofa e lavatia mea uma
5. Tina nofo maia i luga.

Mo le Togipepa

18	19	20	21
1	2	3	4

III. TALATU’U

FA’ATONUGA: Fa’aaogā le talatu’u ia LEĀTIOGIE e tali ai Numera 22 – 25.

22. Ta’u mai le igoa o le toa sa ta’a’alo ma Leātiogie i le ta’aloga o le Āigofie

Tomai ‘ausia 1

23. O ā ni malae se lua (2) sa fa’atino ai le ta’aloga?

Tomai ‘ausia 2

24. Tusi mai ni alagā’upu se lua (2) na maua mai i lea ta’aloga.

Tomai ‘ausia 2

25. Tusi mai upu o le Māvaega a Leātiogie ma lona tamā o Fe’epo

Tomai ‘ausia 3

FA'ATONUGA: Faitau le Fa'asalalauga ia mālamalama ona tali lea o Numera 26 – 30.
Tusi lelei au tali i avanoa ua saunia.

FA'ASALALAUGA O LE SAUNIGA E TU'UINA AI I LALO LE FALESA A LE EKALLESIA KATOLIKO ROMA, SĀMUSU TAI.

1. Matou te fa'atulou atu i ou pa'ia ma mamalu sauō'o Sāmoa o oe o le atunu'u tofi, i le āfua mai i **le oneone** le utufia se'ia pā'ia le fafā o sauali'i. O pa'ia auā Tama ma ō latou 'Āiga, 'Āiga ma latou Tama, Tumua ma Pule, Itū'au ma Ālataua, '**Āiga i le Tai** ma le Va'a o Fonoti. E fa'atulou atu foi ia Sua ma le Vaifanua, Fofō ma Atiulagi, Sā'ole ma Salea'a'umua ma le Launiu na Saelua. E fa'atulou atu foi i le Pa'ia o Fa'atui o le Motu, Tama a le Manu'atele ma To'oto'o o le Fale'ula. Tulou! Tulou ia! Tulouna lava.
2. **O lea ua gāfoa le ata o taulelei, ina ua fulifaō le va'a o mala, ae laga le va'a o manū. Ua tafia ātaāta fasia ae lalaga ātaāta o manuia. O lea foi ua fa'apōpō oni aso ua, o aso folau foi ua lē tu'ua.**
3. O le mea lea matou te **valuvalusia a'a o le fau** ma vala'au fa'apitoa atu i Tupu ma Tamāli'i, Tulatoa ma Tulamala, fa'apea Alo ma Tamafanau a Sāmusu, 'olo'o afifio i so'o se tafa o lenei atunu'u i ō outou itu taulagi e fa'apea;
4. Matou te vala'au ma le fa'aaloalo atu ina ia tatou 'auai i le Sauniga Fa'apitoa e tu'uina ai i lalo le Falesa a le Ekalesia Katoliko Roma i Sāmusu Tai i le aso Faraile, 3 Iuni 2016, i le itula e 10.00 i le taeao.
5. E matou te le natia so matou lima vaivai ma le mativa, **ae matou te fia pa'i i le mālū o le vai o le Tama**, auā le toe fausiaina o le malumalu tapuai i le Atua. O so'o se foa'i e te 'a'ao iai i lea fa'amoemoe, matou te matuā sapaia ma le fiafia.
6. O lā matou tatalo i le Atua o manuia, ia foa'i pea le **tōfā ma le utaga** auā le vāvālooa o Sāmoa.
7. Ma le agaga fa'aaloalo tele

Rev Paulo Tamausu
Ma le Ekalesia Katoliko Roma Sāmusu Tai.

TV1 Aso Tofi 2 Iuni 2016

26. Palakalafa 1: ...i le afua mai **le** oneone ...

O le ā le vāega o le gagana olo'o iai le upu o vase lalo?

Tomai 'ausia 1

27. Palakalafa 2: ...'Āiga i le Tai...

Ta'u mai se nu'u se tasi o Upolu e aofia i le Itūmālō ua tā'ua i luga

Tomai 'ausia 1

28. Palakalafa 2: Tusi mai sau fa'auigaga faigofie o le palakalafa lea o le fa'asalalauga.

Tomai 'ausia 2

29. Palakalafa 3: **valuvalusia a'a o le fau.**

Fa'ailoa mai ni nu'u se lua (2) o Savaii e mafua mai i le talatu'u e pei ona tā'ua i luga.

Tomai 'ausia 2

Palakalafa 5:....ae matou te fia pa'i i le mālū o le vai o le Tama

30. Tusi sau fuai'upu e fa'aaogā ai le alagā'upu lea ma fa'ailoa mai le nu'u 'olo'o iai le vai lea.

Tomai 'ausia 3

FA'ATONUGA: O le vaega lenei olo'o fa'atatau i feso'otaiga i Ālafa'asalalau 'ese'ese. Tali Numera 32 – 36 i avanoa ua saunia.

32. A tagi le ti'otala, o le ā le talitonuga o le atunu'u?

Tomai
'ausia 1

33. O le ā le mau a Sāmoa pe afai e fuga manogi la'au o le vao?

Tomai
'ausia 1

34. Tusi mai ni nafa se lua (2) o le saofa'iga a matai?

Tomai
'ausia 2

35. Fa'amatala manino mai le uiga o vaogagana nei, "**fa'amāmā le sausau**" ma le "**pula'ū**" ma fa'ailoa mai po o le ā le aganu'u e aofia ai.

Tomai
'ausia 4

36. Fa'ailoa mai ni vāega tāua se tolu (3) o le Fa'asalalauga o le maliu.

Tomai 'ausia 3

37. Na aumai le umu/suāvai a le Faife’au o Sio ma Ema mai le afioga Pe’epe’e ma lona faletua o Popo. O talo ma lu’au, 2 ula, 1 moa, 1 lau’ia ma le pua’a. O ‘oe lea ua sauni e folafola.

Tusi lelei mai lau folafola to’onai.

Tomai 'ausia 4

38. Tau mai se vaogagana se tasi o le Tōloga.

Tomai 'ausia 1

39. O le ā le ta'alogā o lona malae o le vai po'o le sami?

Tomai 'ausia 1

40. Ta'u mai le **ta'alogā** o lona vaogagana o le mulumu.

Tomai 'ausia 1

41. Fa'a'uma e 'oe le fuai'upu:

Ua sugalu aualuma ina ua tetele _____

Tomai 'ausia 1

42. Fa'amatala manino mai le **se'e i ta'alogā** ma le **se'e i fa'afiifiaga** a Sāmoa.

Tomai 'ausia 2

Nūmera Ā'oga									

GAGANA SĀMOA

2018

(Mō le Togipepa)

ĀLĀFUA	TOGI	TOGI 'AUSIA	TOGI AOFA'I
ĀLĀFUA 1: VĀEGA 'ESE'ESE O LE GAGANA	10		
ĀLĀFUA 2: A'OAO'AINA O LE GAGANA	20		
ĀLĀFUA 3: FA'AMAUMAUGA MA FETUFAĀ'IGA	28		
ĀLĀFUA 4: FESO'OTAIGA I ĀLAFASALALAU	24		
ĀLĀFUA 5: FA'ATINOGA O TU MA ĀGA A SĀMOA	4		
ĀLĀFUA 6: TA'ALOGA MA FA'AFIIFIAGA	14		
AOFA'IGA	100		